

廣大寶樓閣善住秘密陀羅尼經卷中念六

唐三藏法師菩提流志奉詔譯

結壇場法品第七

爾時世尊說壇場法先擇勝地然後作壇其壇場作四門以五色彩畫其彩於新器中和香然後用之其場中心作一小壇方圓二肘合六以白檀香鬱金香而塗飾之其大壇四肘以牛糞塗飾其小壇中畫一佛像其佛前作一蓮華七寶莊嚴於蓮華臺上畫作一輪輪有千輻有軸有臍以金飾輪輪外畫焰光其蓮華莖如毘瑠璃色右邊畫執金剛菩薩而作瞋相手執白拂又可右手把杵左手把鉞斧左邊畫寶光金剛菩薩種種瓔珞以爲嚴飾一手擎寶珠亦可一手把數珠一手執白拂四角各畫四天大王身著衣甲手執器仗種

種瓔珞而嚴飾之作瞋怒相其小壇中畫七寶階道於其壇上懸繒旛蓋其壇大門向東而開四角各置一金銀瓶或無金瓶瓦瓶金塗中盛滿香水及安妙華銀瓶無者亦應如是滿中盛乳於小壇東門內南邊畫吉祥天女種種瓔珞而以莊嚴北邊畫餉棄尼天女壇中門應畫金剛使女神其神形安八臂種種瓔珞以爲嚴飾手執刀仗於小壇懸種種旛蓋然三十二燈種種華果散其壇上於佛像前置金香鑪燒蘇合香於小壇外置銀香爐燒安息香於摩尼藥又前燒蘇合香於四天王前燒薰陸香及薩闍羅娑香青膠也於吉祥天女前燒白檀香於飼棄尼天女前燒安息香於金剛使女前燒薩羅計香白膠也其諸天神各各別以飲食而供養之其小壇四門

外各立吉祥標於其東門外畫作鬼子母神
有七鬼子圍遶於南門外畫大自在天神於
西門外畫華齒落叉女於北門外畫毘摩天
女有七綵女圍遶於壇四邊上插三十二箭
其一箭各以五色線纏之壇四面懸五色
幡應作七種油餅於大壇外置三十二淨水
盆盆中安種種華三十二淨水瓶瓶各各安
牋三十二香爐然一百八燈懸一百八流蘇

流蘇者華鬘也散種種林香然種種香所謂安息薰

陸悉必栗迦云首著香栴檀沉香多伽羅蘇合薩

羅計青膠香也五味香龍腦香麝香鬱金紫檀等

香以爲塗香塗天神上復以乳酪沙糖石蜜
水各盛以八瓶復以乳粥乳粥者粳米菉豆
胡麻酥相和煮之粳米飯歡喜團歡喜圓者炒粳米麩
和石榴漿各有八盆復盛四瓦椀油四瓦椀

酥四瓦椀沙糖四瓦椀油麻四瓦椀果子四
瓦椀七種穀子作種種食散於壇外所謂餽
餅煎餅小豆煎餅豆黃末和蒲萄漿作油麻
煎餅無憂餅妙味餅酥餅沙糖餅復於大壇
西門外置二香水瓶并置發祠食欲入壇時
先誦此呪呪門兩邊取香水一掬呪洗已自
潔淨能令諸穢悉皆清淨既嚴結已則入道
場呪曰

唵摩訶毘富羅一鉢囉底二瑟恥多悉睇三
阿鞞詫者四摩哈薩婆呪他伽多鼻灑鷄五
婆羅婆羅六三婆羅念六七吽吽

又當知應入壇物飲食香華衣服水土果子
一切等物皆以此呪呪三七遍洗止然始將
入誦此呪者能除先世以來所有惡業今得
身心清淨一切諸佛皆來擁護攝受而爲授

記施其無畏所有事業能今成就得入如來

三摩地悟甚深法忍登佛道場當成正覺

手印呪品第八

爾時世尊爲諸大衆說手印呪法佛言應於

佛壇中作四佛心印呪復作四聖金剛心印

呪以此二印啓請諸佛勿用別印

第一即說佛心印法呪曰

唵薩婆呪他一纈哩多耶二摩尼步婆邏尼

三阿費瑟吒耶四吽

第二復說諸如來入壇呪曰

唵薩婆呪他一鉢遷縛羅喝羅摩尼二吽

請佛已
請此呪

第三安慰如來呪曰

唵薩婆呪他伽多一毘三步陀那二跋逝

梨三吽

第四請如來加護心印呪曰

唵薩婆呪他伽多一鉢遷縛羅喝羅摩尼三噠

指梨四吽吽拂

復次如來重說建立呪曰

唵薩婆怛他伽多地瑟侘耶摩尼吽拂

第五請如來坐金剛師子座印呪曰

唵薩婆呪他伽多一毘富羅三婆鞞二吽吽

第六請如來灌頂印呪曰

唵薩婆呪他伽多一三摩耶二摩尼跋闍梨

三吽吽

第七請如來轉法輪印呪曰

念六

四

唵薩婆呪他伽多一社耶毘社耶二阿枳多

跋闍梨三吽吽

第八帶勝符印呪曰

唵薩婆呪他伽多一達摩駄都二摩訶摩尼

始法梨一曷羅曷羅二五吽

唵阿伽摩耶一婆羅聞遮二舞訶斯泥三

第九如來轉法輪印呪曰

唵薩婆怛他伽多一摩訶跋闍嚩阿縛耶三

默羅默羅吽吽拂

第十請執金剛手菩薩印呪曰

唵杜盧杜盧一摩尼摩尼二鼻女額摩尼三

薩婆訶

第十一請聖摩尼金剛菩薩以如意寶印呪

曰

唵露迦波利低社耶社耶吽

第十二請四天王呪曰

唵毘富羅一竭羅伐底二三跋羅三吽

第十三請吉祥天女印呪曰

唵碣瑟梭哩尼一毘婆羅二吽

第十四呼餉棄尼天女印呪曰

吽

第十五請金剛使者天女神印呪曰

唵三漫多伽羅一波布羅尼二默迦默迦

吽拂

第十六呼所住壇中天神等印呪曰

唵婆羅婆羅毘婆羅吽

第十七蓮華印呪法

畫像品第九

爾時世尊告諸大眾我今說畫像法而能成就一切事業應取新白麪未割線者或一肘或二肘或三肘或四肘乃至七肘四方令等畫一如來坐師子座作說法像於像右傍畫執金剛菩薩爲赤白紅色有十二臂皆執刀仗有四面正一面端正歡喜左一面瞋相右

一面有牙上出又一面皺眉怒目可畏相以種種瓔珞而嚴飾之坐蓮華臺半結跏而坐垂一脚也如來左邊畫摩尼金剛菩薩有四面前面歡喜右面青色青色者作摩訶迦羅天面左面作師子面綠色半作師子半作人面後面瞋相皺眉露齒色作淺綠色有十六臂右手把如意珠作奉佛相左手持蓮華右手施無畏無畏者仰展舒相如低二手合掌餘手皆執諸仗所謂三鋒槧輪刀金剛杵華篋數珠澡瓶利劍經夾寶塔須彌山錫杖繩索鐵鎚於蓮華臺半跏而坐於其座下作餉棄尼天女有八臂胡跪合掌作供養佛相金剛手菩薩座下作吉祥天女胡跪執種種寶器供養如來於吉祥天女後畫作使者天女作笑面有四臂種種瓔珞而爲嚴飾手持刀

仗餉棄天女後畫作華齒羅刹女身著素服以手持華瞻仰如來於大像前畫作七寶蓮華而有千葉琉璃爲莖其上作千輻金輪有轂有輞四面皆焰光其下畫作四天王種種嚴飾手執刀仗七寶蓮下作七寶池於池岸上作衆多仙人皆悉胡跪或各各手執華寶香爐或手持數珠各異嚴持瞻仰如來而爲供養於大像上畫梵天帝釋大自在天散華供養勿以皮膠和於綠色其畫像人應受八關齋戒誦呪之者著新淨衣食三白食月八日在如來前如法誦呪至十五日令滿一億遍乃見自身而發光明便悟無障慧眼證清淨摩尼定於諸仙人得輪王位親見一切如來若誦一遍不墮一切惡趣離諸貪瞋癡無諸姤嫉成就一切功德攝受一切善根諸佛

如來之所護念常來安慰能攝一切諸天一

切天龍藥叉乾闥婆迦樓羅緊那羅摩睺羅

伽人非人等皆來供養國王大臣常應恭敬
在於人間遊行無畏諸波羅密皆速成就其
有但受持讀誦者得無量功德若能如法結

念六

壇場畫形像備諸壇法彼人功德與佛無異
爲諸人天之所敬養諸佛如來授記此人使
定證於無上菩提不復受胎藏之身所生之
處皆蓮華中常於佛前與諸菩薩同坐一處
火祭品第十

復次如來爲諸大衆說火祭法於一一法中
欲求一切驗効者能令作者成就利益諸衆
生者佛告諸誦呪者先須清淨身心作淨梵
行然後呪食燒之供養祭火誦此呪曰

唵 薩婆訶 一鉢底 丁以 勃路 二薄婆 三畔

吽挾 四 莎訶

誦此呪時應以油麻白芥子和酥呪八千遍
一呪一投於火中能今一切呪法速得成就
伏諸一切障礙鬼神一切惡鬼惡業惡友怨
家皆得調伏一切惡夢災怪不祥之事自然
消散以安息香白芥子和酥呪八千遍投於
火中誦呪滿八千遍一切鬼神欲來惱者頭
自裂破一切病患速得除愈復以酥和白芥
子誦滿八千遍當得王位無諸怨敵若以天
水香松木也和酥投於火中誦呪八千遍當得

轉輪王位所願皆得若以娑羅樹香松稍去聲和
因堵羅酥及白芥子於山峯上以火燒之諸
阿素囉門自然而開此人得作明仙王若以
乾陀羅樹香安息香也又可那加尊龍華葉也和白芥子油
於龍池傍誦以八千遍燒之能伏一切諸龍

須使皆有須雨即雨更無雷電之難以雜穀子又可供養佛淨齋食若爲自他稱名誦呪滿八千遍火中燒之能令五穀豐熟以白鹽誦滿八千遍火中燒之一切藥又女皆來禮足言勿傷我命隨意驅使以酥和秞米誦呪念六八千遍於火燒之得大富貴以胡椒對日日東方時祠火呪八千遍其人常得諸天擁護恒爲利益若於吉祥天女前以油麻和白芥子燒之得大財若以遏迦木云杜仲長一尺八百段誦呪八百遍火中燒之得一切諸佛菩薩悉知是人離諸業障於一切世間出世間明呪皆悉了悟無諸疾病於諸怨敵而得最勝世間煩惱不能染著由此明呪力故諸有善業皆得成就一切惡夢不祥之事皆得消散一切邪魅厭禱之橫皆不著身不墮邪見雜惡道

中爾時佛告金剛密跡菩薩此陀羅尼王法有大威德是一切諸佛如來心是諸佛母是諸如來轉大法輪是諸如來入菩提路是諸如來智慧法炬是諸如來鳴大法鑑是諸如來坐金剛座是諸如來降伏魔軍是諸如來最勝祕密能除贍部洲衆生所有煩惱能竭贍部洲衆生地獄餓鬼傍生之業能除贍部洲衆生生老病死憂悲苦惱爾時世尊復告金剛密跡菩薩我以佛眼觀諸如來不能說此陀羅尼所有功德甚深妙法此陀羅尼有如是最勝殊妙非諸譬喻之所能盡薄福少德下賤衆生永不聞此陀羅尼名字況復得見受持讀誦若有聞見此陀羅尼者是人已曾親近恒河沙諸佛菩薩佛告金剛密跡菩薩此如來心難解難入若有善男子善女人

於百千萬劫供養八十俱胝無量恒河沙諸佛菩薩飲食衣服房舍卧具百種湯藥幡蓋香華塗香抹香復以七寶滿三千大千世界

於日日中奉施諸佛金剛菩薩於汝意云何是善男子善女人功德多不金剛菩薩白佛言世尊此人功德無量無邊不可勝數佛言若於如來心陀羅尼能讀誦滿萬遍者此人功德勝前功德諸佛如來說不能盡若有善男子善女人雖不讀誦但心念者亦得如上無量功德爾時如來說是言已衆中天龍藥叉乾闥婆迦樓羅緊那羅摩睺羅伽人非人等一切大眾踊躍歡喜發聲歎詠五體投地合掌向佛白言世尊佛出世間甚成希有今佛世尊於瞻部洲能善建立置祕密陀羅尼心法爾時十方同會諸佛菩薩咸讚釋迦如

來言善哉善哉既同讚已各還本土爾時釋迦牟尼世尊以佛神力還娑婆世界

普光心印品第十一

爾時金剛藥叉主菩薩踊躍歡喜身毛皆豎於仙人會中持杵揮空以種種香華衣服與諸仙人徃詣佛所頂禮佛足右繞三匝以諸香華而散佛上偏袒右肩右膝著地白佛言世尊如來今於人間然大法炬建立陀羅尼法若有見聞此陀羅尼者與佛無異如此衆生決定當得無上正覺捨離一切諸惡業障惟願世尊爲諸衆生說陀羅尼印法此之手印如何而作如何安手如何安臂復更云何念云何安慰壇神云何能得諸佛如來之所加護云何請佛坐金剛座云何請諸如來而

念六

爲灌頂轉大法輪云何得勝持印之法云何作轉輪王云何作如意寶云何作四天王云何作吉祥天女云何作鉤棄尼印云何作女使者印云何作安置諸天云何作呼諸天云何作根本此諸法我先不解世尊慈悲爲我而說若解此印速能成就諸功德故若有見者獲福無量爾時世尊於大衆中舒百千萬俱胝莊嚴功德手覆金剛菩薩頂上安慰金剛密跡曰大藥叉主汝今諦聽諦聽我爲汝

說陀羅尼印法付囑於汝爲諸未來一切衆生汝應受持爲我流布當加敬護猶如諸佛同入如來道場之想同見如來轉大法輪亦如守護諸佛舍利勿以此法於後世時妄相付與下劣賤人惡性衆生破戒衆生懈怠衆生邪見衆生小乘衆生貪欲衆生我慢衆生

如斯之類不須爲說此陀羅尼如佛舍利若有薄福衆生聞我此法便令損壞當知此等如毀謗佛無有異也是故金剛菩薩應勤加護勿妄傳授此呪所在之處如佛無異爾時金剛手菩薩頂禮佛足白佛言世尊如是如是如世尊所說我當專心恭敬供養以報佛恩唯願世尊爲我演悟作印之法令諸學者得法成就

廣大寶樓閣善住祕密陀羅尼經卷中